

Ժողովուրդ

23
(2689)

16 փետրվարի հինգշաբթի 2023
տպագրության ԺԲ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ



ԵՐԵՔ ՄՅԵՆԱՐ՝ ԱՐՑԱՆՈՒՄ



Արայիկ Զարոյանի սահմանադրական բարեփոխումների նախագիծը իսկական աժիոտաժ է առաջացրել Արցախի քաղաքական և հասարակական դաշտում: «Ժողովուրդ» օրաթերթի արցախյան արթյունները հայտնեցին, որ Արցախում գրեթե բոլոր տարակուսած են Զարոյանի այսչափ շտապողականությունից, վստահ են՝ նա հենց այնպես նման քայլի չէր գնա առանց քաղաքական դրդապատճառների, բայց թե ինչ է կատարվում իրականում, դեռ չեն կարողանում հասկանալ: Այսպիսով, Արցախի նախագահի առաջարկած փոփոխությունը իրենից ենթադրում է հետևյալը: Ֆորումատորային իրավիճակներում, այն է՝ երբ օրինակ նախագահը անսպասելի հրաժարական է տալիս, մահանում է կամ, ինչ-ինչ հանգամանքներից ելնելով, այլևս ի վիճակի չէ պաշտոնավարել, նախագահ ընտրելու լիազորություն կտրվի խորհրդարանին: Ընդգծենք, որ սա չի վերաբերում նախագահի հերթական ընտրություններին: Այս դեպքում նախագահին, Սահմանադրությամբ նախատեսված կարգով, ընտրելու է ժողովուրդը: Նկատենք, որ սահմանադրական փոփոխությունների մի փաթեթ էլ դեռևս 2022թ.-ին մշակել էին Նաե Արցախի ԱԺ 5 խմբակցությունները միասին, որը, սակայն, դեռ խորհրդարան չի ներկայացվել: Արցախի ԱԺ խմբակցությունների հեղինակած այս նախագծով էա, ի թիվս Սահմանադրական մի շարք բարեփոխումների, նախատեսվում էր նաե խորհրդարանին նախագահ ընտրելու լիազորություն տալը: Արայիկ Զարոյանը, չգիտես՝ ինչու, առաջ է ընկել, այդ փաթեթից առանձնացրել է նախագահի ընտրություններին առնչվող այս դրույթը և արագացված կերպով այն ներկայացրել է խորհրդարանին: Սահմանադրական փոփոխությունների այս նախագիծը նախ պետք է ուղարկվի Արցախի գերագույն դատարան, որի հաստատման արժանանալուց հետո այն նորից պետք է վերադառնա Արցախի ԱԺ Պետաիրավական հանձնաժողով: Եթե ԱԶ գերագույն դատարանը չհաստատի նախագիծը, այն կանաչվի հակասահմանադրական և դուրս կգա շրջանառությունից: Գերագույն դատարանում է ԱԺ գլխադասային հանձնաժողովներում հաստատվելուց հետո միայն նախագիծը կմտնի լիազումար նիստերի օրակարգ: Սահմանադրական փոփոխությունների նախագիծը կարող է ընդունվել պատգամավորների ընդհանուր թվի 2/3-ով (22 պատգամավոր): Զաշվի առնելով, որ Արայիկ Զարոյանի «ԱԶՍ ԶԱՅՐԵՆԻՔ-ՔՄՂ»-ն խորհրդարանում ունի 16 պատգամավոր՝ ստացվում է, որ նախագիծը անցկացնելու համար անհրաժեշտ կլինի հավելյալ 4 ձայն: Արցախում վստահ են, որ Սամվել Բաբայանի թիմակիցները՝ «Միասնական Զայաստան» խմբակցության պատգամավորները, անհրաժեշտության դեպքում օգնության կհասնեն Զարոյանին և կապահովեն անհրաժեշտ ձայներ նախագիծն անցկացնելու համար: Այսպիսով, նախագիծն արդեն ընդունվելուց հետո ֆորումատորային իրավիճակներում Արցախ ԱԺ խմբակցությունների յուրաքանչյուրը հնարավորություն կունենա առաջադրելու նախագահի իր թեկնածուին, իսկ նախագահը խորհրդարանում կընտրվի կրկին պատգամավորների 2/3-ի ձայներով: Արցախում բոլորն այն համոզմանն են, որ Արայիկ Զարոյանը նման նախաձեռնություն է սկսել Նիկոլ Փաշինյանի պատվերով: Այնտեղի քաղաքական դաշտում մի քանի սցենարներ են շրջանառվում սրա հետ կապված՝ առաջին՝ Զարոյանը անվտանգային գերազանց իրավիճակում քաղաքական նման նախաձեռնություն է սկսել, որպեսզի հանրության ուշադրությունը շեղի կարող էր հարցերից: Շրջանառվող երկրորդ սցենարն էլ հետևյալն է: Արայիկ Զարոյանը փորձելու է օգտագործել իր հրաժարականի թեման Ռուբեն Վարդանյանի վրա ճնշում գործադրելու և վերջինիս պաշտոնակազմը հասնելու համար: Ինչպես հիշում ենք, նախագահի հնարավոր հրաժարականի մասին խոսակցություններ կային նաե հունվարի 14-ին ու 15-ին, երբ Զարոյանի ու Վարդանյանի կոնֆլիկտը հրապարակային դաշտ դուրս եկավ: Խորհրդարանին նախագահ ընտրելու լիազորություններով օժտվելը հրաժարականի սպառնալիքը ավելի իրատեսական է դարձնում: Արայիկ Զարոյանը կարող է իրոք հրաժարական տալ, սակայն Ազգային ժողովում մեծամասնություն ունեցող իր խմբակցության միջոցով նախագահի պաշտոնում ընտրել իր լոյալ թիմակիցներից մեկին՝ պահպանելով իշխանական որոշակի լծակներ: Զավանական է նաե, որ Զարոյանը իրոք հակված է հեռանալ քաղաքականությունից և այս փոփոխության միջոցով ցանկանում է այդ որոշումը կյանքի կոչելու համար սահմանադրական մեխանիզմ ստեղծել:

Փետրվարի 7-ին վարչապետ Նիկոլ Փաշինյանին ներկայացվել է Պետական գույքի կառավարման կոմիտեի 2022 թ. գործունեության հաշվետվությունը: Այդ ժամանակ մամուլի հաղորդագրություն տարածվեց նախորդ տարվա կոմիտեի գործունեության մի քանի ցուցանիշների մասին: Մասնավորապես, ըստ հաղորդագրության՝ վարձակալության տրված պետական գույքի դիմաց 2022 թվականին հավաքագրվել է պետություն և վճարվել 11 մլրդ դրամ, 2021-ի համեմատ՝ 200%-ով ավելի: Ավելի ուշ, սակայն, վարչապետի պաշտոնական կայքում վերոհիշյալ մամուլի հաղորդագրությունը ենթարկվել է փոփոխությունների. խմբագրված տարբերակում փոփոխվել է վարձակալության տրված գույքի դիմաց հավաքագրված գումարների թիվը՝ 11 մլրդ դրամից դառնալով 470 մլն դրամ: Նախորդ տարվա նկատմամբ 200% աճի վերաբերյալ համեմատությունը թողնվել է անփոփոխ: Փաստերի ստուգման հարթակը նկատելի է, որ ոչ կոմիտեն է ոչ էլ վարչապետի աշխատակազմը որեւէ կերպ չեն տեղեկացրել վարձակալությունից ստացված մուտքերի վերաբերյալ մամուլի հաղորդագրությունում արված էական փոփոխությունների մասին: Ավելին՝ Պետգույքի կառավարման կոմիտեն հաղորդագրությունը տարածելու հաջորդ օրը՝ փետրվարի 8-ին, իր ֆեյսբուքյան պաշտոնական էջում հրապարակել է վարչապետին ներկայացված հաշվետվության մասին «Լուրերի» պատրաստած ռեպորտաժը, որում վարձակալության դիմաց բյուջե արված մուտքերի վերաբերյալ նշվում է ոչ թե խմբագրված 470 մլն թիվը, այլ 11 մլրդ դրամը: Ավելին, 11 մլրդ դրամը ոչ թե գույքի վարձակալությունից, այլ անշարժ գույքի օտարումից պետություն և մուտքագրված գումարն է: Ահա այսպես են մանիպուլացնում հասարակությանը:



«Ժողովուրդ» օրաթերթի տեղեկություններով՝ 2023 թվականի ՌԶ կառավարության պահուստային ֆոնդից Արտակարգ իրավիճակների նախարարությանը կհատկացվի 157 մլն 816 հազար դրամ: Տեղեկացանք, որ այդ գումարը տրամադրվելու է Թուրքիայի և Սիրիայի երկրաշարժից տուժածներին սնունդ և անկողնային պարագաներ տրամադրելու նպատակով: Նկատենք՝ փետրվարի 6-ին տեղի ունեցած ավերիչ երկրաշարժը Թուրքիայում խլել է 41 հազարից ավելի մարդու կյանք, Սիրիայում՝ 5 հազարից ավելի: Ավերիչ երկրաշարժերից հետո Զայաստանի կողմից երկու անգամ Թուրքիա մարդասիրական օգնություն է ուղարկվել: Այն հնարավորություն է եղել իրականացնել 1993 թվականից փակված Մարգարայի կամրջով: «Ժողովուրդ» օրաթերթը գրել էր, որ հայ-թուրքական հարաբերությունների կարգավորմամբ զբաղվող իշխանության անդամները նախորդ տարվա դեկտեմբերին երկու անգամ հանդիպում են ունեցել հենց Մարգարայի կամրջի մոտ, ուսումնասիրել կամրջի վիճակը, անգամ նմուշառում անցկացրել են եկել այն եզրակացության, որ այն պիտանի է: Երեկ էլ ՌԶ արտաքին գործերի նախարար Արարատ Միրզոյանն է Թուրքիա մեկնել, հանդիպումներ ունեցել է այցելել նաե այնտեղ ծառայություն իրականացնող հայ փրկարարներին:



«Ժողովուրդ» օրաթերթը տեղեկացավ, որ «Հրդեհային անվտանգության մասին» ՌԶ օրենքում փոփոխություններ կարվեն: Մասնավորապես, Զառաքաշիության, տեխնիկական և հրդեհային անվտանգության տեսչական մարմինն ունենալու է նոր գործառնություններ: Այսպես, հրդեհային անվտանգության նորմատիվ փաստաթղթերի պահանջների այն խախտումների դեպքում, որոնք անմիջականորեն և ուղղակի սպառնալիք են ստեղծում հրդեհների առաջացման և մարդկանց անվտանգության համար, մարմինը կարող է ամբողջովին կամ մասնակիորեն դադարեցնել կազմակերպությունների, արտադրական տեղամասերի, առանձին ագրեգատների աշխատանքը, ամբողջովին կամ մասնակիորեն դադարեցնել շենքերի, շինությունների շինարարության, վերակառուցման, վերականգնման, ուժեղացման, արդիականացման աշխատանքները և ամբողջովին կամ մասնակիորեն դադարեցնել շենքերի, շինությունների և այլ օբյեկտների շահագործումը: Հրդեհային անվտանգության պահանջների խախտման համար տեսչական մարմինը, օրենսդրությամբ սահմանված կարգով, կիրառելու է պատասխանատվության միջոցներ: Միևնույն ժամանակ, տեսչական մարմնի ղեկավարի կողմից ընդունվող վարչական ակտի հիման վրա, նրանք կարող են կապարակնել (կնքել) առանձին ագրեգատ, շենք, շինություն կամ այլ օբյեկտ: Զավելենք, որ այս նախագիծը վարչապետի աշխատակազմի կողմից երեկ ներկայացվել է հանրային քննարկման: Թերեւս սա պայմանավորված է վերջին շրջանի հրդեհներով, որոնք առաջանում են վատ կառավարման և կանոններ չպահպանելու հետեանքով:



ԻՐԱՎԻՃԱԿ

ՆԱԽԱՊԱՅՄԱՆ

ՀԱՅԱՍՏԱՆ-ԹՈՒՐԻՔԻԱ ՀԱՐԱԲԵՐՈՒԹՅՈՒՆՆԵՐ

ԻՐԱՎԻՃԱԿԸ ԹՈՒՐԻՔԻԱՅՈՒՄ

Իրավիճակը Թուրքիայում բավականին լարված է, դժգոհությունը մեծ է: Թուրքիայում երկրաշարժի զոհերի թիվը գերազանցել է 35 հազար 400-ը:

Այս երկրաշարժից հետո քաղաքական շրջանակներից կարծիքներ են հնչել, թե պետք է հետաձգել մայիսի 14-ին նշանակված նախագահական եւ խորհրդարանական ընտրությունները:

Թուրքիայի նախագահ Ռեջեփ Էրդոգանը, սակայն, երկրաշարժից հետո ընտրությունների թեմային դեռ չի անդրադարձել: Ավելի վաղ հենց ինքն էր հայտարարել խորհրդարանական ու նախագահական ընտրությունները միասին անցկացնելու մասին, ընդ որում՝ նախատեսված ժամկետից ավելի շուտ՝ մայիսի 14-ին: Դրանք նշանակված էին հունիսի 18-ին:

Էրդոգանի թիմն այդ ժամանակ սա բացատրեց այն հանգամանքով, որ հունիսին ընտրությունները կհամընկնեն ամառային արձակուրդների շրջանի հետ, եւ պետք է ավելի վաղ կազմակերպել: Թուրքիայի քաղաքական շրջանակներում տարածայնություններ են, եւ ընդդիմադիրները պնդում են՝ այժմ հնարավոր չէ ընտրությունները հետաձգել ավելի ուշ, քան հունիսի 18-ը, քանզի գործող օրենքով միայն պատերազմի դեպքում կարող են ընտրությունները հետաձգվել:

ՆԱԽԱՐԱՐԸ ԿՄԵԿՆԻ ԱՐՈՒՂԱԲԻ

ՀՀ բարձր տեխնոլոգիական արդյունաբերության նախարար Ռոբերտ Խաչատրյանի գլխավորած պատվիրակությունը փետրվարի 18-25-ը մեկնելու է Արաբական Միացյալ Էմիրություններ: ArmLur.am-ը տեղեկացավ, որ պատվիրակության կազմում, նախարարից բացի, ընդգրկված են նախարարի առաջին տեղակալ Գեորգ Մանթաշյանը, Ռազմարդյունաբերության կոմիտեի նախագահը, նախարարի խորհրդականն ու շուկայի զարգացման վարչության առևտրի խթանման բաժնի գլխավոր մասնագետը: Ընդ որում, ամենաերկար ժամանակով Արաբական Միացյալ Էմիրություններում մնալու է հենց բաժնի գլխավոր մասնագետը:

ArmLur.am-ը տեղեկացավ, որ հայկական պատվիրակությունն Աբու Դաբիում մասնակցելու է IDEX 2023 միջոցառմանը: Մենք տեղեկացանք, որ Ռոբերտ Խաչատրյանի, Գեորգ Մանթաշյանի, Արտյոմ Մեհրաբյանի՝ Արաբական Միացյալ Էմիրություններ գործուղման օրապահիկը եւ ճանապարհածախսը եւ Սարգիս Խաչատրյանի, Տաթևիկ Սողոմոնյանի՝ Արաբական Միացյալ Էմիրություններ գործուղման բոլոր ծախսերը կատարվելու են 2023 թվականի պետական բյուջեով արտասահմանյան պաշտոնական գործուղումների համար նախատեսված միջոցների հաշվին:

Ռոբերտ Խաչատրյանի, Գեորգ Մանթաշյանի եւ Արտյոմ Մեհրաբյանի՝ Արաբական Միացյալ Էմիրություններ գործուղման գիշերավարձի ծախսը կատարվելու է հրավիրող կողմի միջոցների հաշվին: Ծառայողական գործուղման մեկնած անձանց գործուղման ծախսերի փոխհատուցումը կատարվում է 2005 թվականի որոշմամբ:

Հայաստանի Հանրապետության արտաքին գործերի նախարար Արարատ Միրոյանն առաջին անգամ այցով Թուրքիայում է, որտեղ նաև հանդիպել է այդ երկրի ԱԳ նախարար Մեյուք Չավուսօղլուին: Նրանք հանդես են եկել համատեղ հայաստանյայցիներով եւ վերահաստատել Թուրքիայի հետ հարաբերությունների ամրոցական կարգավորման Հայաստանի դաշնակցականությունը:

ArmLur.am-ը համառոտ կներկայացնի, թե նորանկախ Հայաստանի պատմության մեջ ինչ ընթացք են ունեցել հայ-թուրքական հարաբերությունները, եւ ինչ փոխայցեր են եղել: 1990-ականներին առաջին նախագահ Լեւոն Տեր-Պետրոսյանը հայտարարում էր, որ առանց որեւէ քաղաքական զիջման եւ առանց նախապայմանների պետք է դիվանագիտական հարաբերություններ հաստատել Թուրքիայի հետ: 1991թ. դեկտեմբերի 16-ին Թուրքիան ճանաչում է Հայաստանի անկախությունը, սակայն դիվանագիտական հարաբերություններ չեն հաստատվում:

1995 թ. հոկտեմբերին նախագահ Լեւոն Տեր-Պետրոսյանը Նյու Յորքում էր, որտեղ մասնակցում էր ՄԱԿ-ի հիսունամյակին նվիրված հոբելյանական հավաքին: Հոկտեմբերի 23-ին Նյու Յորքում Տեր-Պետրոսյանը հանդիպեց Թուրքիայի նախագահ Սուլեյման Ղեմիրելիի հետ: Հայաստանի անկախացումից հետո դա Հայաստանի ու Թուրքիայի նախագահների առաջին հանդիպումն էր: Մինչ այդ՝ 1993թ. ապրիլին, Տեր-Պետրոսյանը Թուրքիայում մասնակցել էր Թուրքոօգակի թաղման արարողությանը:

ՀՀ արտաքին գործերի նախկին նախարար Վարդան Օսկանյանը վերհիշում է. «1993թ. Թուրքիան արդեն ամբողջովին փակել էր սահմանը Հայաստանի հետ, իսկ 1994թ. մայիսին զինադադար էր հաստատվել Ադրբեջանի եւ Լեռնային Ղարաբաղի միջև, սակայն իրավիճակը ռազմաճակատում շարունակում էր լարված մնալ: Լարված մթնոլորտ էր նաև Տեր-Պետրոսյան-Ղեմիրելի հանդիպման առաջին իսկ պահից: Լեւոն Տեր-Պետրոսյանը, գործի դնելով թուրքերենի իր իմացությունը, մի քանի բառ փոխանակեց Ղեմիրելիի հետ՝ որոշակիորեն փոխելով մթնոլորտը, սակայն երբ սկսվեցին քննարկումները բուն թեմայի շուրջ, լարվածությունը գնալով աճեց»:

1998 թվականին Լեւոն Տեր-Պետրոսյանը հրաժարական է տալիս: Հաջորդող տարի-



ներին նա շարունակում էր հանդես գալ հայ-թուրքական հարաբերությունների կարգավորման օգտին:

1998 թվականին Ռոբերտ Քոչարյանի՝ նախագահ դառնալուց հետո Հայաստանի եւ Թուրքիայի նախագահները հանդիպել են երկու անգամ: Առաջինը տեղի ունեցավ 1998թ. հունիսի 5-ին Յաթայում Սեւծովյան տնտեսական համագործակցության զագաթաժողովի ընթացքում, իսկ երկրորդը՝ 1999թ. նոյեմբերին Ստամբուլում, ԵԱՀԿ զագաթաժողովի ժամանակ: Այս երկու հանդիպումները ոչնչով չէին տարբերվում Տեր-Պետրոսյան-Ղեմիրելի հանդիպումից. չէին փոխվել ոչ Ղեմիրելիի մտածելակերպը, ոճն ու մոտեցումները, ոչ էլ հայկական կողմի պատասխանները:

Այդ ընթացքում նախկին նախարար Օսկանյանը կրկին հանդիպումներ է ունեցել իր թուրք գործընկերների, հիմնականում արտաքին գործերի նախարար Իսմայիլ Ջեմիլիի հետ: «Այս հանդիպումներին ես նշույլ անգամ չկար, որ Թուրքիան ցանկություն ունի Հայաստանի հետ առանց նախապայմանների դիվանագիտական հարաբերություններ հաստատել կամ բացել սահմանը. թուրքերն այդ ամենը կապում էին միայն ու միայն Ղարաբաղի հարցի հետ: 2002թ. Թուրքիայում իշխանափոխություն տեղի ունեցավ. խորհրդարանական ընտրություններում հաղթեց Ռեջեփ Թայիփ Էրդոգանի գլխավորած «Արդարություն եւ զարգացում» կուսակցությունը: Սկզբնական շրջանում Արդուլլահ Գյուլը նշանակվեց վարչապետ, իսկ որոշ ժամանակ անց, երբ հանվեցին Էրդոգանի նկատմամբ առկա իրավական սահմանափակումները, Գյուլը նշանակվեց արտաքին գործերի նախարար, իսկ Էրդոգանը ստանձնեց վարչապետի պաշտոնը»-վերհիշում է Վարդան Օսկանյանը:

ՕՐՎԱ ԽՃԱՆԿԱՐ ԳԱԴԱՐԵԼ ԵՆ ՊԱՇՏՈՆԱՎԱՐԵԼ

Բարձրագույն դատական խորհրդի կողմից նախաձեռնված օրենսդրական փոփոխությունների արդյունքում մինչդեռ տական վարույթի նկատմամբ վերահսկողություն իրականացնող (այդ թվում կալանավորման միջնորդություններ քննող) 14 դատավորներ դադարել են պաշտոնավարել:

Նրանցից Արմեն Պողոսյանը եւ Սասուն Մխիթարյանը մասնակցել են հատուկ կարգով եւ բարդ ընթացակարգերով անցվող որակավորման ստուգման գրավոր փուլին եւ հաղթահարել են այն. եթե նրանց հաջողվի հաղթահարել նաև բարեկարգության եւ ԲԴԽ-ում հարցազրույցի փուլերը, ապա կկարողանան վերանշանակվել դատավորի պաշտոնում:

Մյուս 12 դատավորներն ընդգրկվել են ռեզերվային ցուցակում եւ ապագայում հնարավորություն կունենան վերստին նշանակվելու դատավորի պաշտոնում լրացուցիչ վերապատրաստում անցնելուց

հետո կամ այլ հավակնորդների հետ հավասար հիմունքներով մասնակցելով հատուկ կարգով որակավորման ստուգմանը:

«5+1» ՉԵՎԱԶՍՓՈՎ ԽՈՐՀՐԴԱԿՑՈՒԹՅՈՒՆ

Մրցակցության պաշտպանության հանձնաժողովի նախագահ Գեղամ Գեորգյանը մեկնել է Մոսկվա՝ մասնակցելու ԵԱՏՄ անդամ պետությունների իրավասու մարմինների ղեկավարների եւ ԵՏՀ մրցակցության եւ հակամենաշնորհային կարգավորման հարցերով կոլեգիայի անդամի (նախարարի) «5+1» ձեւաչափով հերթական խորհրդակցությանը:

Խորհրդակցության օրակարգում ներառված են նաև անդրսահմանային շուկաներում մրցակցային իրավիճակի եւ մրցակցության ընդհանուր կանոնների կանխարգելմանն ուղղված միջոցառումների վերաբերյալ 2022 թվականի տարեկան հաշվետվության մշակմանը, ԵԱՏՄ իրավունքի մեջ հակամենաշնորհային կոմպ-

Սերժ Սարգսյանի՝ նախագահի պաշտոնը ստանձնելուց անմիջապես հետո հայ-թուրքական հարաբերություններում շարժ է նկատվում: Թուրքիայի նախագահ Աբդուլա Գյուլը շնորհավորում է Սերժ Սարգսյանին նախագահական ընտրություններում հաղթանակ տանելու կապակցությամբ: Սարգսյանը Թուրքիայի նախագահին հրավիրում է Հայաստան՝ սեպտեմբերի 6-ին դիտելու աշխարհի առաջնության Հայաստանի եւ Թուրքիայի ֆուտբոլի ազգային հավաքականների ընտրական հանդիպումը: 2008 թ. սեպտեմբերի 6-ին Աբդուլա Գյուլը ժամանում է Երեւան:

Հասարակության մի խոշոր հատված դեմ էր Գյուլի այցին եւ Թուրքիայի հետ հարաբերությունների կարգավորմանը: Թե՛ օդանավակայանում, թե՛ Երեւանի փողոցներում, որտեղով պետք է անցներ Գյուլի մեքենան, հավաքվել էին հազարավոր հայեր. նրանք իրենց ձեռքերում պահում էին «Ես Կարսից եմ», «Ես Արդահանից եմ», «Ես Վանից եմ», «Ես Իզմիրից եմ» գրառումներով պաստառներ:

2009 թ. հունվարի 29-ին Դավիտում Սերժ Սարգսյանի եւ վարչապետ Ռեջեփ Թայիփ Էրդոգանի միջև կայանում է 20 րոպե տևողությամբ հանդիպում:

2009 թ. հոկտեմբերի 10-ի երեկոյան Հայաստանի ու Թուրքիայի արտգործնախարարները Շվեյցարիայի, ինչպես նաև Միսսիսի խմբի եռանախագահող պետությունների արտգործնախարարների ու եվրոպացի բարձրաստիճան այլ դիվանագետների ներկայությամբ ստորագրում են հայ-թուրքական երկու արձանագրությունները: Հետագայում, սակայն, թուրքական կողմը ձգձգում է արձանագրությունների վավերացումը՝ առաջին հերթին Լեռնային Ղարաբաղի հակամարտության պատճառաբանությամբ: Արդեն 2014 թվականին ՄԱԿ-ի ամբիոնից Սերժ Սարգսյանը կոշտ ելույթով հանդես եկավ՝ «գրողի ծոցը ուղարկելով արձանագրությունները»: 2015 թվականին Սարգսյանը հետ է կանչում արձանագրությունները Ազգային ժողովից, իսկ 2018 թվականի մարտի 1-ին դադարեցնում է դրանց կնքման ընթացակարգը:

13-ամյա դադարից հետո Հայաստանի եւ Թուրքիայի ղեկավարներ Նիկոլ Փաշինյանն ու Ռեջեփ Թայիփ Էրդոգանը հանդիպեցին նախորդ տարի Պարահայում:

ՆԱԽՈՒ ՀՈՎԱԿՆԱՆԻՍՅԱՆ

լաեսիի ինստիտուտին առնչվող դրույթների ներառմանը, ռիսկի վրա հիմնված մոտեցման կիրառմանն առնչվող եւ այլ հարցեր:

ՎԵՐԱԲԵՐԵՆԳԱՎՈՐՄԱՆ ԳՈՐԾԸՆԹԱՑ

Էկոնոմիկայի նախարարի տեղակալ Ռաֆայել Գեորգյանը եւ Ազրոյվերամշակման վարչության պետ Գեորգ Ղազարյանը հանդիպել են կոնյակ արտադրող առաջատար ընկերությունների ներկայացուցիչների հետ:

Քննարկվել են կոնյակագործության ոլորտում առկա խնդիրները, հայկական կոնյակի վերաբերենդավորման գործընթացն արագացնելու, միասնական լուծումներ գտնելու եւ լավագույն արդյունքին հասնելու հնարավոր ուղիները:

Հանդիպման մասնակիցները պայմանավորվել են ավելի սերտ համագործակցել այդ գործընթացն առավել արդյունավետ իրականացնելու նպատակով:

ՀԱՓՇՏԱԿՈՒԹՅԱՆ ՓՈՐՁ

ԲՂԱՎՈՑՆԵՐ՝ ԱՎՏՈԿԱՅԱՆ ԱՏԵՂՈՒՄ

ArmLur.am-ին հայտնի դարձավ, որ Ալեքսանդր Հովհաննիսյանին մեղադրանք է առաջադրվել, որ նա 2023 թվականի հունվարի 5-ին՝ ժամը 17:45-ի սահմաններում, զսնվելով «Վաղարշ եւ որդիներ կոնցերն» ՄՊ ընկերությանը դասկանող Խորենացի 24 հասցում գործող «Ասկու աշխարհ» տնավաճառի ստորգեղարկության ավտոկայանատեղիում, նկատել է հիշյալ ընկերության սֆորտին անվտանգության գծով օգնականի դասերը զբաղեցնող Վաչագան Մերուժանի Հովհաննիսյանին դասկանող «Նիսասան» մակնիշի ավտոմեքենան եւ մտադրվել է հիշյալ մեքենայից կասարել համապատասխան օգնականին, որ մեքենայի դռները կողոված չեն եղել՝ բացել է մեքենայի սրահի դռները եւ նկատել այնտեղ 2 հաս որդիներից մեկին սոթրակներ, վերցրել է դրանք եւ փորձել դուրս գալ ստորգեղարկության ավտոկայանատեղիից:



կողմից եւ անտեսելով այդ հանգամանքը, ստել է վերջիններիս՝ ասելով, թե իր ավտոմեքենայից իրեր է վերցնում: Վերջինս այսպես համաձայնել է Վաչագան Հովհաննիսյանին պատկանող, 31.000 ՀՀ դրամ արժողությամբ, 0,7 լիտր տարողունակությամբ մեկ շիշ «Արարատ Դվին» տեսակի 20 տարվա հնեցմամբ կոնյակը՝ իր տուփով, 5.000 ՀՀ դրամ արժողությամբ ձմեռային ռետինե կիսաճուղավոր

կոշիկները, 40.000 ՀՀ դրամ արժողությամբ ձմեռային բաժկոնը, ընդհանուր՝ 76.000 ՀՀ դրամ: Բացահայտ համաձայնված գույքը տնօրինելու կամ օգտագործելու իրական հնարավորություն, սակայն, չի ունեցել իր կամքից անկախ հանգամանքներում, մասնավորապես՝ էղգար Սահակյանի կողմից հետապնդվելու եւ բռնվելու պատճառով:

ՔՆԱՐ ՄԱՆՈՒԿՅԱՆ

ԼՈՒՐԵՐ

ՍՈՒՏ ԱՐԱԶԱՆԳ

ArmLur.am-ին հայտնի դարձավ, որ Արթուր Գյուլնազարյանին մեղադրանք է առաջադրվել, որ նա «Աղջարաբեթ»-ում խաղաղորույթներ է կատարել, որի արդյունքում տանու է տվել իր եւ ծնողների պահուստից 1600 ԱՄՆ դոլարին համարժեք 668.672 ՀՀ դրամ եւ չի կարողացել վերականգնել տանից վերցրած գումարների չափը: Տան անդամներին մոլորեցնելու համար եւ միաժամանակ գիտակցելով, որ իր տրամադրած տեղեկատվությունը կեղծ է, 2022 թվականի սեպտեմբերի 20-ին՝ ժամը 11:35-ին, զանգահարել է իրավասու մարմին հանդիսացող ՀՀ ոստիկանության ՕԿԿ եւ կատարել իր նկատմամբ ավագակային հարձակում կատարելու վերաբերյալ տեղի ջոնեցած հանցագործության մասին սուտ մատուցելու հայտնելով, որ Նույն օրը իրենց տուն է մտել մորուքով անհայտ անձը, դանակ բաշել իր վրա՝ պահանջելով գումար, եւ վերցնելով 2000 ԱՄՆ դոլար՝ դիմել է փախուստի՝ վնասելով ձեռքը:

ՑՈՒՑՄՈՒՆՔ Է ՏՎԵԼ

ArmLur.am-ի տեղեկություններով՝ երեկ Այրվածքաբանության կենտրոնում հարցաքննվել է եւ ցուցմունք է տվել հունվարի 19-ին Ազատ գյուղի կացարանում հրդեհից զոհված 15 զինծառայողների մահվան գործով անցնող սպան՝ Եղիշե Հակոբյանը:

Գրել էլիք, որ ծնողներից մի քանիսն արդեն հարցաքննվել են: «Ժողովուրդ» օրաթերթի տեղեկությունների համաձայն՝ այն, ինչ հրապարակային հայտարարել են ծնողները, Նույնը պնդել են նախաքննական մարմնում:

Հիշեցնենք, որ նախաքննական մարմինը 15 զինծառայողների մահվան գործով Նշանակել է թմրաբանական փորձաքննություն:

«Ժողովուրդ» օրաթերթը փորձել էր անձամբ տեղեկություն պարզել ՀՀ քննչական կոմիտեից, որտեղից էլ հաստատել էին. «Այո, Նշանակված է նման փորձաքննություն, բայց եզրակացությունը դեռ չենք ստացել: Նշանակվել են նաեւ հրդեհատեխնիկական, պայթյունատեխնիկական, նյութագիտական, ձգաբանական, հետքաբանական, շինարարատեխնիկական, ապրանքագիտական համալիր փորձաքննություն, որի եզրակացությունը եւս չի ստացվել»:

Բանն այն է, որ սպայի եւ մահացած 15 զինվորների հարազատների մոտ կասկածներ կան՝ ինչու մինչ կրակը կհասներ սեյսյակ, տղաները դուրս չեն եկել այրվող կացարանից եւ փրկել իրենց կյանքը: Անգամ սպան բանավոր ասել է քննիչներին, որ իր համար կասկածելի էր այն երեւոյթը, որ երբ ինքը գոռացել, աղաղակել է, թե՛ հրդեհ է, արթնացել, դուրս եկել, տղաները չեն արձագանքել, այսինքն՝ անգիտակից են եղել»:

Ք. ՄԱՆՈՒԿՅԱՆ

ԲԱՅԱՐԱՅՏՈՒՄ

ԿԱՇԱՌՔ ՍՏԱՆԱԼՈՒ ԴԵՂՔ

ՀՀ ազգային անվտանգության ծառայության Երեւանի ֆաղաֆային վարչությունում ստացված օդերասիվ սվյալների իրացման արդյունքում փաստական սվյալներ են ստացվել այն մասին, որ ՀՀ ներքին գործերի նախարարության ոստիկանության անձնագրերի եւ վիզաների վարչության Մարաշի անձնագրային խմբի ֆաղաֆային կան հասուկ ծառայության առաջին կարգի մասնագետ Ա.Ս.-ն եւ նույն խմբի ղեկավար Լ.Հ.-ն, հանդիսանալով դաստնմասար անձինք, նախնական համաձայնությամբ, խմբի կազմում, իրենց ծառայողական լիազորություններով դայանաավորված ազդեցությունն օգտագործելով, մի բարձր անձանցից, այդ թվում՝ վերջինների կամ նրանց մասնաճանաչում անձանց օգտին աղտորինի գործողություն կասարելու համար նվաճում անձնագրային խմբի վարչական շեֆում բազմաթիվ դրվագներով դահանջել եւ ստացել են արբեր չափերի կառաւֆ-գումարներ:



րեւոյթ հանցանքի մասին հաղորդմամբ հայտնել է, որ Նույնականացման քարտ ստանալու նպատակով դիմել է Մարաշի անձնագրային խումբ, որտեղ Նույն անձնագրային խմբի աշխատակից Ա.Ս.-ն այն տրամադրելու դիմաց իրենից պահանջել է կաշառք-գումար:

2023 թվականի փետրվարի 10-ին իրականացված «Կաշառք ստանալու եւ տալու նմանակում» գաղտնի քննչական գործողության շրջանակներում ՀՀ հիշյալ քաղաքացին քիմիական համապատասխան միջոցներով նախապես մշակված կաշառք-գումարը անձնագրային հիշյալ խմբի վարչական շեֆում անձամբ տվել է Ա.Ս.-ին, որից հետո վերջինս ՀՀ ԱԾ աշխատակիցների կողմից ձերբակալվել է եւ ներկայացրել է ստացված կաշառք-գումարը:

Դեպքի առթիվ ՀՀ ազգային անվտանգության ծառայության եւ ՀՀ հակակոռուպցիոն կոմիտեի աշխատակիցների կողմից իրականացված օպերատիվ-հետախուզական միջոցառումների եւ վարույթային գործողությունների արդյունքում Ա.Ս.-ն եւ Լ.Հ.-ն բերման են ենթարկվել եւ ձերբակալվել:

Դատարանի որոշմամբ՝ Լ.Հ.-ի նկատմամբ որպես խափանման միջոց կիրառվել է կալանքը, իսկ Ա.Ս.-ի նկատմամբ որպես այլընտրանքային խափանման միջոց՝ տնային կալանքը: Նախաքննությունը շարունակվում է: Ձեռնարկվում են տարաբնույթ օպերատիվ-հետախուզական միջոցառումներ եւ վարույթային գործողություններ՝ բազմադրվագ դեպքի բոլոր հանգամանքները բացահայտելու ուղղությամբ:

● Ըստ ոստիկանության տվյալների՝ փետրվարի 14-15-ը Հայաստանի Հանրապետությունում բացահայտվել է հանցագործության 56 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԱՐԴՅՈՒՆՔ ԶԿԱ

2010թ. հուլիսի 29-ին «Արմենարեն» պետական լրատվական գործակալությունը հարորդել է՝ Տավուշի մարզպետարանից տեղեկացրել են, որ, շնորհիվ կատարված ներդրումների, բավականին վերականգնողական ու վերակառուցողական աշխատանքներ են իրականացվել մարզի ոռոգման համակարգում, որի արդյունքում Տավուշի մարզում արդեն հնարավոր է ոռոգել ընդհանուր առմամբ 6 հազար 160 հեկտար հողատարածք: Լրագրողական հարցում են ուղարկել Տավուշի մարզպետարան, թե ներկայումս Տավուշի մարզում որքան են կազմում ոռոգելի հողատարածքները: 2023թ. փետրվարի 9-ին տեղեկատվական հարցումիս մարզպետարանից պատասխանել են, որ մարզի ոռոգելի հողատարածքները, ըստ համայնքների կողմից ներկայացված հաշվետվության, կազմում է 6 հազար 428 հեկտար: Ստացվում է, որ վերջին 13 տարում Տավուշի մարզում ոռոգելի հողատարածքներն ավելացել են ընդամենը 268 հեկտարով: Ամեն տարի, Յախստանի պետական բյուջեի, Միջազգային դոնոր եւ բարեգործական կազմակերպությունների ֆինանսավորմամբ, մարզի ոռոգման համակարգում վերակառուցման, վերանորոգման, ընդլայնման ծրագրեր են իրականացվում: Ի՞նչ է այդ աշխատանքների արդյունքը:

ԾԱԽՍԵՐԸ

ՓՈՒՐԱՏՈՒՑՎՈՒՄ ԵՆ

Հայաստանի անկախացումից հետո ավելի քան երեք տասնամյակ Իջեանի տարածաշրջանի Աճարկուտ եւ Աճարկուտի հարեան, Արբեշանի սահմանակից Կիրանց գյուղի բարձր դասարանցիները ուսումնառության համար ամեն առավել մեկնում են Իջեանի տարածաշրջանի Ներքին Ծաղկավան եւ Սարիգյուղ բնակավայրերի միջնակարգ դպրոցներ: Աճարկուտում եւ Կիրանցում դպրոցները հիմնական են: Տավուշի մարզպետարանից տեղեկացա, որ Հայաստանի պետական բյուջեից փոխհատուցվում է Աճարկուտ եւ Կիրանց գյուղերի ավագ դասարանցիների տրանսպորտային ծախսերը: Աճարկուտ գյուղի բնակիչ ավագ դասարանցիների՝ 2022 թվականի տրանսպորտային ծախսերի փոխհատուցման գումարը կազմել է 339,7 հազար դրամ, իսկ Կիրանց գյուղի բնակիչ ավագ դասարանցիներինը՝ 450 հազար դրամ: Մարզպետարանից հայտնեցին, որ այժմ ընթացքի մեջ են դպրոցական նոր շենքերի կառուցման աշխատանքները մարզի Կիրանց, Գանձաքար եւ Դովեղ բնակավայրերում: Սպասվում է, որ Կիրանցում դպրոցական նոր շենքի կառուցումից, գործարկումից հետո գյուղի հիմնական դպրոցը կդառնա միջնակարգ, եւ այնտեղ կսովորեն ոչ միայն Կիրանցի, այլեւ Կիրանցի հարեան Աճարկուտի գյուղի ավագ դասարանցիները:

ԽՄԵԼՈՒ ԶՈՒՐԸ՝ ԺԱՄԱՆԱԿԱՑՈՒՅՑՈՎ

Տավուշի մարզկենտրոն Իջեան քաղաքում խմելու ջուրը տրվում է ժամանակացուցով՝ օրական մի քանի ժամ առավոտյան, մի քանի ժամ երեկոյան: Խմելու ջրի պակասը հատկապես զգացվում է քաղաքի վերին՝ Բլբլյան թաղամասում: Իջեանի համայնքապետարանից հայտնեցին, որ «Վելոյա ջուր» ընկերությունը նախատեսում է առաջիկայում նոր ջրագծեր կառուցել, որպեսզի բարելավվի 20 հազար բնակիչ ունեցող Իջեան քաղաքի ջրամատակարարումը:

ՈՍԿԱՆ ՍՈՐՈՑՅԱՆ Տավուշ

ՑՈՒՑԱՆԻՇ

ՇԻՐԱԿԻ ԵՎ ԼՈՒՈՒ ԴԱՏԱԽԱՉՈՒԹՅՈՒՆՆԵՐՈՒՄ

Հայաստանի Հանրապետության գլխավոր դատախազ Աննա Վարդապետյանը փետրվարի 14-ին աշխատանքային այցով եղել է Շիրակի եւ Լոռու մարզերի դատախազություններում՝ ամփոփելու 2022 թվականի գործունեության արդյունքները:

Գլխավոր դատախազի առաջին կանգառը Շիրակի մարզի դատախազությունում է եղել: Մարզի դատախազ Արմեն Զիչոյանը 2022 թվականի գործունեության արդյունքները ներկայացնելիս անդրադարձ է կատարել մարզում գրանցված հանցավորության վիճակին, հանցագործությունների կատարմանը նպաստող հանգամանքներին եւ դրանց բացահայտման ուղղությամբ իրականացվող աշխատանքներին:

Մասնավորապես, հանրապետության գլխավոր դատախազին զեկուցվել է, որ հաշվետու ժամանակահատվածում մարզում աճել է բոլոր տեսակի հանցագործությունների թիվը: 2022 թվականին բացահայտման տոկոսում հաշվվող հանցագործությունների բացահայտման ցուցանիշը կազմել է 47.5% (2021 թվականի համեմատ՝ բացահայտման ցուցանիշը վատթարացել է 20.2%-ով):

Նախորդ տարի Շիրակի մարզում արձանագրվել է մարդու դեմ ուղղված հանցագործությունների 439 դեպք՝ 72-ով ավելի 2021 թվականի ցուցանիշից: 2022 թվականին արձանագրվել է սպանության 5 դեպք (2021 թվականի համեմատ՝ դեպքերի աճ կամ նվազում տեղի չի ունեցել): 2022 թվականի ընթացքում պետական շահերի պաշտպանության հայց հարուցելու նպատակով կատարվել է ինը ուսումնասիրություն, որից չորս ուսումնասիրության առարկա է ավելի քան 150 անշարժ գույք: 2022 թվականի ընթացքում քննվել է 51 կոռուպցիոն հանցագործության վերաբերյալ վարույթ (2021 թվականին՝ 112): 2022 թվականին արձանագրվել է կաշառք ստանալու, կաշառք տալու եւ կաշառքի միջնորդության 22 դեպք (2021 թվականին՝ 37 դեպք):

2022 թվականի ընթացքում Շիրակի մարզի դատախազության կողմից կոռուպցիոն հանցագործություններով դատարան է ուղարկվել վեց քրեական գործ (վարույթ)՝ 12 անձի վերաբերյալ (2021 թվականին՝ 24 քրեական գործ (վարույթ)՝



40 անձի վերաբերյալ): Արդարադատության նախարարության «Արթիկ» քրեակատարողական հիմնարկում կատարվել է 52 ստուգում եւ ուսումնասիրություն (2021 թվականին՝ 51), որոնց արդյունքում խախտումներ չեն հայտնաբերվել (2021 թվականին հայտնաբերվել էր 12 խախտում): 2022 թվականի ընթացքում Շիրակի մարզի դատախազությունից դատարան է ուղարկվել 263 քրեական գործ (վարույթ)՝ 298 անձի նկատմամբ (2021 թվականին՝ 243 քրեական գործ (վարույթ)՝ 309 անձի նկատմամբ):

Երկու մարզերի դատախազների կողմից ներկայացված հաշվետվություններում կարելի է Շիրակում եւ Լոռիում պարեկային ծառայության գործունեությունը՝ ուղղված հանցագործությունների բացահայտման ու կանխարգելմանը: Գլխավոր դատախազ Վարդապետյանի վերջին կանգառը եղել է Լոռու կայազորի զինվորական դատախազությունում: Հաշվետվության ամփոփմանը ներկա են եղել նաեւ ՀՀ գլխավոր դատախազի տեղակալ, զինվորական դատախազ Գրիգոր Էլիզբարյանը, ՀՀ ԶՈՒ 3-րդ բանակային կորպուսի հրամանատար Ալիկ Ցականյա-

նը, ՀՀ ԱԱԾ Լոռու եւ Տավուշի հակահետախուզության բաժնի պետերը, ՀՀ ՊՆ Վանաձորի, Իջեանի եւ Բերդի ռազմական ոստիկանության բաժնի պետեր Էդիկ Անդրյանը, Սուրադ Մկրտչյանը եւ Էդիկ Սարգսյանը, Պաշտպանության նախարարության զինվորական կոմիսար Սամվել Գեորգյանը: Լոռու կայազորի զինվորական դատախազ Արման Ապրեսյանը ներկայացրել է 2022 թվականի ամփոփ հաշվետվությունը:

Անդրադարձ է կատարվել զինծառայողի կողմից գործառնում, զինվորական ծառայություն կրելու այլ վայրում կամ զինվորական ծառայության պարտականությունները կատարելու ընթացքում թմրամիջոց գործածելու կամ օգտագործած վիճակում ծառայության ներկայանալու դեպքերի քննության եւ որակման առանձնահատկություններին: Գլխավոր դատախազը Զինվորական դատախազությանը հանձնարարել է ՊՆ ռազմական ոստիկանության ղեկավար կազմի հետ համագործակցությամբ վերոնշյալ դեպքերի բացահայտման եւ քննության ուղղությամբ մշակել փոխգործակցության արդյունավետ ձեւաչափ:

ՀԱՐՅՈՒՐԱՄՅԱԿԻ ԱՄԵՆԱՍՈՒՄՓԵԼԻ ԲՆԱԿԱՆ ԱՂԵՏԸ

Հզոր երկրաշարժերը, որոնք մեկ քաղաք առաջ տեղի են ունեցել Թուրքիայի եւ Սիրիայի սահմաններում, դարձել են Եվրոպայում վերջին հարյուրամյակի ընթացքում ամենաառաջափնի բնական աղետը:

Նման հայտարարություն է արել Առողջապահության համաշխարհային կազմակերպությունը:

Առողջապահության համաշխարհային կազմակերպության Եվրոպայի տարածաշրջանային տնօրեն Հանս Կյուրգեն հայտարարել է. «Մենք դեռ տեղեկանում ենք աղետի չափերի մասին, դրա իրական վնասը հաշվարկված չէ»:

Կյուրգենի խոսքով՝ ավելի քան 35 հազար մահ է հաստատվել Թուրքիայում, իսկ շուրջ 5 հազարը՝ Սիրիայում. այդ թիվը շարունակում է աճել: Երկու երկրներում առնվազն 26 միլիոն մարդ հումանիտար օգնության կարիք ունի: ԱՅԿ-ն կոչ

է արել 43 միլիոն դուլար հատկացնել երկրաշարժից տուժածների ոգնությունը ցուցաբերելու համար եւ, հավանաբար, կինդրի ավելացնել այդ գումարը: «Ես անկեղծում եմ, որ առաջիկա օրերին, երբ մենք ավելի լավ կհասկանանք ճգնաժամի մասշտաբները եւ հումանիտար կարիքները, այդ գումարը կաճի՝ առնվազն կրկնակի»,- ասել է Կյուրգեն:

Ջրամատակարարման խաթարման եւ աղետի վայրերում տիրող հակասահմանադրական պայմանների պատճառով աճում է անհանգստությունը վարակիչ հիվանդությունների տարածման առնչությամբ. նշում է ԱՅԿ-ն: Թուրքական իշխանությունների տվյալների համաձայն, որոնք ներկայացնում է կազմակերպությունը, շուրջ 80 հազար մարդ գտնվում են հիվանդանոցներում, ինչը հսկայական ծանրաբեռնվածություն է առողջապահական համակարգի վրա, որն ինքնին մեծապես տուժել է տարերային աղետ-

տի հետեւանքով: «Մեր 75-ամյա պատմության ընթացքում մենք նախաձեռնել ենք շտապ օգնության բրիգադների խոշորագույն տեղակայումը ԱՅԿ-ի եվրոպական տարածաշրջանում:

Նրանց նպատակն է փոխարինել ավերված հիվանդանոցները՝ հատուկ ուշադրություն հատկացնելով ծանր վնասվածքներ ստացած հիվանդներին»,- ամփոփել է Հանս Կյուրգեն: 7,7 եւ 7,6 մագնիտուդ ուժգնությամբ երկրաշարժերը փետրվարի 6-ին ինը ժամ ընդմիջումով տեղի են ունեցել Թուրքիայի հարավ-արեւելքում գտնվող Քահրամանմարաշ նահանգում: Ստորգետնյա ցնցումները, որոնց հաջորդել են հարյուրավոր հետցնցումներ, զգացվել են երկրի 10 նահանգներում եւ հարեան պետություններում: Երկրաշարժից մեծապես տուժել են Թուրքիան եւ Սիրիան:

● Անցած 1 օրվա ընթացքում Հայաստանի Հանրապետությունում արձանագրվել է 11 ճՏՊ. 15 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒԻՐ

ՄՏՈՒԳՈՒՄՆԵՐ

Բնապահպանության եւ ընդերքի տեսչական մարմինը ջրային ռեսուրսների օգտագործման եւ պահպանության ուղղությամբ 2022թ. իրականացրել է 51 ստուգում, որից 33-ը՝ ՅԷԿ-ում եւ ՓՅԷԿ-ում, 9-ը՝ ջրօգտագործողների ընկերությունում, 9-ը՝ ձկնաբուծարանում:

Տեսչական մարմինը հայտնում են, որ տարեկան ծրագրով 2022թ. կատարողականը կազմում է 100%: Ավարտված 51 ստուգման արդյունքում հայտնաբերվել է 99 իրավախախտման դեպք: Կայացվել է 80 վարչական տույժ Նշանակելու մասին որոշում: Որոշումներով նշանակված տուգանքի չափը կազմել է 22.230.000 ՀՀ դրամ: Հաշվարկված շրջակա միջավայրին պատճառված վնասի հատուցման չափը կազմել է 94.974.872 ՀՀ դրամ:

2022թ. ընթացքում ԲԸՏՄ աշխատակիցների կողմից նաեւ բացահայտվել է առանց համապատասխան ջրօգտագործման թույլտվության առկայության ապօրինի ջրառ իրականացնելու 12 դեպք, որոնց գործողությունն անմիջապես կասեցվել է (սահմանված կարգով ջրօգտագործման թույլտվություն ձեռք բերելուց հետո 2-ի կասեցումը հանվել է):

ՔԲԵԱԿԱՆ ՎԱՐՈՒՅԹՆԵՐԻ ԸՆԴՀԱՆՈՒՄ

ՀՀ քննչական կոմիտեում ամփոփվել է 2022թ. ընթացքում ընտանեկան բռնության վերաբերյալ քննված քրեական վարույթների ընդհանուր շարժընթացը:

Մասնավորապես, 2022թ. ընթացքում ՀՀ քննչական կոմիտեի վարույթում քննվել է ընտանեկան բռնության վերաբերյալ 960 քրեական վարույթ: Նշվածներից 122-ն ավարտվել է մեղադրական եզրակացությամբ եւ 126 անձի վերաբերյալ ուղարկվել է դատարան, 301 քրեական վարույթ կարճվել է, որից 150-ը՝ ռեաբիլիտացիոն, իսկ 151-ը՝ ոչ ռեաբիլիտացիոն հիմքով: 383 քրեական վարույթ փոխանցվել է 2023թ. հունվար ամիս: Դատարան ուղարկված վարույթներից՝

- 9-ը եղել է սպանության,
- 1-ը՝ առողջությանը ծանր վնաս պատճառելու,
- 3-ը՝ առողջությանը միջին ծանրության վնաս պատճառելու,
- 1-ը՝ մարդուն առեւանգելու,
- 1-ը՝ սեքսուալ բնույթի գործողությունների,
- 2-ը՝ 16 տարին չլրացած անձի նկատմամբ սեքսուալ բնույթի գործողություններ կատարելու,
- 5-ը՝ առողջությանը թեթեւ վնաս պատճառելու,
- 25-ը՝ ֆիզիկական ներգործության,
- 3-ը՝ ֆիզիկական ուժեղ ցավ կամ հոգեկան ուժեղ տառապանք պատճառելու,
- 1-ը՝ ծնողի կամ այլ մերձավոր ազգականի եւ երեխայի միջեւ տեսակցության իրականացմանը խոչընդոտելու,
- 3-ը՝ ալիմենտ (ապրուստավճար) վճարելուց խուսափելու,
- 68-ը՝ այլ հանցագործությունների դեպքերի առթիվ:

Դատարան ուղարկված վարույթներով 125 մեղադրյալներից 108-ը հանդիսացել են անուպիներ, 4-ը՝ տատ կամ պապ, 5-ը՝ քույր կամ եղբայր, 8-ը՝ զավակ կամ թոռ: 125 անձի նկատմամբ ոչ ռեաբիլիտացիոն հիմքերով քրեական հետապնդում չի իրականացվել, կամ դադարեցվել է քրեական հետապնդումը:

ՄՈՆԻԹՈՐԻՆԳ

ԼՐԱԳՐՈՂԱԿԱՆ ԴԱՇՏՈՒՄ ԱՐՁԱՆԱԳՐՎԱԾ ԽԱԽՏՈՒՄՆԵՐ

2022 թվականի մարտ ամսից «Հանուն չորրորդ իխանության» հի-նի սեղեկավական դաշտում իրականացնում է մեսադիտարկում, որով յուրաքանչյուր ամիս ամփոփվում են լրագրողական դաշտում արձանագրված խախտումներն ու կարևոր իրադարձությունները: Հերթական մեսադիտարկման արդյունքները վերաբերում են 2023 թվականի հունվար ամսին: Եւ այսպես՝

պետական գերատեսչության կողմից թերացում տեղեկատվության տրամադրման/հաստատման հարցում:

Հունվարի 6-ին լուր տարածվեց, որ հրետակոծել են Սյունիքի մարզում գտնվող «Ա.Ա.Բ պոլիտ» ընկերության ասֆալտի գործարանը: Միջադեպի աղբյուրը Aravot.am կայքն էր: Պաշտոնական գերատեսչությունները՝ ՊՆ, ԱԻՆ, ոչ մի կերպ չարձագանքեցին լուրին:

Կանխակալ վերաբերմունք ընդդիմադիր լրատվամիջոցների նկատմամբ

Հունվարի 10-ին ՀՀ վարչապետ Նիկոլ Փաշինյանն ասուլիս էր կազմակերպել ԶԼՄ-ների հարցերին պատասխանելու նպատակով: Մի շարք ընդդիմադիր լրատվամիջոցների լրագրողներ ասուլիսին հրավիրված չէին: Պատճառը պարզելու նրանց զանգերը կառավարությունն անացել են անպատասխան:

Հրապարակման համար լրատվամիջոցի նկատմամբ ճնշումների փորձ

Հունվարի 20-ին TV5 հեռուստաալիքը հրապարակեց հունվարի 19-ին ՀՀ ՊՆ N գործառնախի ինժեներասակրավորական վաշտի կացարանի հրդեհի կադրերը: Վերոհիշյալ լրատվամիջոցի YouTube-յան էջում տեսանյութը դրված էր առանց փոփոխությունների, որտեղ լսվում էին գոռգոռոցներ: Հեռուստաալիքի այդ հրապարակումն արժանացավ հասարակության խիստ դժգոհությանը, անգամ եղան մարդիկ, որ դիմեցին ՀՀ ԱԶ ակիբը փակելու համար:

Սակայն հունվարի 21-ին ՀՀ ԱԶ նախագահ Տիգրան Հակոբյանը հայտնեց, որ եթերում ցուցադրվել է հրդեհի «համր» տեսանյութը, որտեղ չկան այրվող մարմիններ, դաժան կադրեր, ողբերգության բաց տեսարաններ: Օրենքով YouTube-



յան հեռարձակումը ՀՀ-ի կարգավորումից դուրս է:

Լրագրողների գործունեության խաթարման եւ անձնական վիրավորանքի փորձեր

Հունվարի 28-ին Եռաբլուրում լրագրողների հարցերին հրաժարվել է պատասխանել ՊՆ բարձրաստիճան գինվորականությանը: ԳՇ պետը, ինչպես նաեւ ԵԿՄ ղեկավար Սասուն Միքայելյանը բղավեցին տեղում աշխատող լրագրողների վրա: Հավելեց, որ բազմաթիվ են դեպքերը, երբ իշխող ՔՊ կուսակցության ներկայացուցիչները բավական կոպիտ են արձագանքում լրագրողների հարցերին:

-Հանրային հեռարձակման եթերից զրկելու վերաբերյալ «Երկիր Մեդիայի» հայցը վարույթ է ընդունվել, բայց միջնորդությունը մերժվել է: Եթերը մինչեւ դատավարության ավարտն անջատված կմնա: Հիշ-

եցնեք, որ 2022 թվականի դեկտեմբերի 2-ին Հեռուստատեսության եւ ռադիոյի հանձնաժողովում որոշում կայացվեց «Երկիր Մեդիա» հեռուստաընկերությանը զրկել հանրապետական սիժնան արտոնագրից:

-Արձանագրեց, որ Ազատ գյուղի գինվորական կացարանի հրդեհի տարածքում դրոնից լուսանկարներ հաջողվեց անել միայն fip.a2 փաստերի ստուգման հարթակին, որը հրապարակեց «Ազատ գյուղի «գորամասը» միակը չէ. ինչ պայմաններում են ծառայում սահմանապահ գինվորները» վերլուծական կոլաժ: Armlur, Factor, Mediahub լրատվամիջոցների լրագրողներ տեղից հրապարակեցին հարցազրույցներ:

-Հունվար ամսվա ընթացքում լրագրողների նկատմամբ բռնության դեպքեր չեն արձանագրվել:

ՀԱՅՏԱՐԱՐՈՒԹՅՈՒՆ

ՀՐԱՊԱՐԱԿԱԶՆ ԾԱՆՈՒՑՈՒՄ

«Բի Էս Թի» ՍՊԸ-ն (այսուհետ՝ Կազմակերպիչ) «Ակսոն» ԱՀ Բորսայի հարթակում իրականացնելու է բաց աճուրդ՝ հովանավանդ եղանակով: Աճուրդի ընթացքում վաճառվելու է «Ամերիքանկ» ՓԲԸ-ին սեփականության իրավունքով պատկանող հետեյալ լուրը:

- Շիրակի մարզ, համայնք Գյումրի ք., Ախուրյանի խճուղի, 1/1 շենք, 22 հասցեում գտնվող 106,17 ք.մ. բնակարան: Լուսի մեկնարկային գինը՝ 24400000 ՀՀ դրամ:

Աճուրդի փուլերը՝ հովանավանդ եղանակով, ք. Երեւան, Սայաթ-Նովա պողոտա, 40 շենք, 82/31 հասցեում 06.03.2023թ.-ին, Ժ. 12:00-ին, այսուհետեւ հովանավանդ եղանակով կայացվող աճուրդի յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, Նույն վայրում, Նույն ժամին: Աճուրդի ավարտը՝ 03.07.2023թ.: Աճուրդի մասնակցության նախավճարը սահմանված է գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «ԲիԷսԹի» ՍՊԸ-ի դրամարկղում աճուրդի կայացման հասցեում, ՀՀ օրենսդրությամբ սահմանված կանխիկի շենք չզերբազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվեհամարին), կամ կազմակերպիչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Լոսն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտը, յուրաքանչյուր աշխատանքային օր, Ժ. 10:00-ից մինչև 18:00-ն, այցելել վերը նշված հասցեով եւ ծանոթանալ լուսի հետ՝ այցելությունը նախապես համաձայնեցնելով Կազմակերպիչի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լուսի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մասնակցի կողմից կայացվող միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե:

Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.llcbst.am, www.akson.am կայքերը:

«Հոլովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԻՆՈՓՈՒԱՏՈՆ

«ԶՈՒԼԱԼԻ» ՖԻԼՄԸ՝ ՆՈՐ ՀԱՂԹԱՆԱԿՈՎ

Փետրվարի 7-ից 12-ը Ֆրանսիայում կայացած «Նանտի» միջազգային կինոփառատոնի (Univercine Nantes) Երջանակում ցուցադրված ռեժիսոր Հայկ Օրդյանի «Զուլալի» լիամետրաժ ֆիլմն արժանացել է «Հանդիսասեսի համակրանք» մրցանակին (1er Prix du Public):

Փառատոնի պաշտոնական էջում ասվում է. «Երեկ երեկոյան ուրախությամբ հայտարարեցինք, որ ձեր սիրելի ֆիլմը Հայկ Օրդյանի «Զուլալին» է»:

Փառատոնի մրցանակակիր է համարվել ընդամենը երկու ֆիլմ, որոնցից մեկը «Զուլալի»-ն է: Փառատոնի գլխավոր պատանոթին հենց «Զուլալի»-ն է պատկերված:

«Զուլալի» երեք մասից բաղկացած պատումը բացահայտում է ընտանեկան մեծ ողբերգությունը: Մենակության զգացումով մարդիկ մենակ չեն հեռավոր գյուղում եւ միասին են հաղթահարում ցավն ու տանջանքը՝ տարածելով սեր եւ չկորցնելով հույսը վաղվա օրվա հանդեպ: Գյուղում ապրում է մի ընտանիք՝ տարեց տանտիկինը, տղան՝ Նազարոսը, եւ նրա մայրը՝ Զուլալին: Փոքրիկ Նազարոսը մտածում է տարօրինակ Զուլալիի, մինչեւ հարյուր տարեկան չհասնի պապու եւ այլ հարցերի մասին:

Հիշեցնենք, որ ռեժիսոր Հայկ Օրդյանի «Զուլալի» ֆիլմը Սանկտ Պետերբուրգում մրցանակի է արժանացել մրցանակը ստացել է դերասանուհի Մարինե Պետրոսյանը՝ արժանանալով լավագույն դերասանուհու կոչմանը: Այս մասին ArmLur.am-ը տեղեկացավ ֆիլմի ֆեյսբուքյան պաշտոնական էջից:

«Մարինե Պետրոսյանը՝ լավագույն դերասանուհի. «Զուլալիի» հաղթարշավը շարունակվում է: «Զուլալի» ֆիլմում Աբիրի դերը լավագույնս ներկայացնելու համար Մարինե Պետրոսյանը ք. Գատչինայի (Ս.Պետերբուրգ) «Գրականություն եւ կինո» («Литература и кино») XVIII միջազգային կինոփառատոնում ստացել է լավագույն դերասանուհու մրցանակը»,- գրված է հրապարակմանը կից:



Ավելի վաղ հայտնել էինք, որ մրցանակի էր արժանացել ֆիլմում Զուլալիին մարմնավորող Հերմինե Ստեփանյանը՝ Սալենտոյի միջազգային կինոփառատոնում Զուլալիի դերակատարման համար ստանալով լավագույն դերասանուհու մրցանակը:

Հիշեցնենք, որ ArmLur.am-ի հետ զրույցում դերասանուհին հայտնել էր՝ ֆիլմի երաժշտությունը գրել է հայ մեծանուն կոմպոզիտոր Տիգրան Մանսուրյանը, եւ հենց «Զուլալիի» առանձնահատկություններից է այն, որ Տիգրան Մանսուրյանը ավելի քան 30 տարվա դադարից հետո կինոերաժշտություն է գրել հենց այս ֆիլմի համար:

ԼԻՂԱ ԵՐԻՎԱՆՅԱՆ

ԼՈՒՐԵՐ

ԱՐՎԵՍՏԱԿԱՆ ԿՈՄԱ

Գեղասահքի օլիմպիական չեմպիոն (պարային գույգեր) Ռոման Կոստոմարովի առողջական վիճակը ծայրահեղ ծանր է: Ինքնուրույն շնչել նա չի կարողանում: Երեկ ռուսաստանցի գեղասահորդը եղել է արհեստական կոմայի մեջ: Ֆիբրոզների մեծ քանակի հետեւանքով մտավախություն կա, որ Կոստոմարովի կյանքը փրկել չի հաջողվի:

Կոստոմարովը հոսպիտալացվել էր հունվարի 10-ին երկկողմանի ծանր թոքաբորբով: Տեսական ժամանակ արհեստական շնչառության եւ արյունը թթվածնով սնուցելու սարքերին միացված լինելու հետեւանքով խախտվել էր մարզիկի պերիֆերիկ արյունաշրջանառությունը, զարգացել էին վերջույթների նեկրոզներ, որոնց հետեւանքով անդամահատել են նրա ոտնաթաթերը եւ ձեռքերի մի քանի մատը:

Կոստոմարովը 46 տարեկան է, օլիմպիական ոսկե մեդալը նվաճել է 2006թ. Թուրինի խաղերում Տատյանա Նավկայի հետ: 2006թ.-ին էլ Կոստոմարովն ավարտեց մարզական կարիերան, սակայն հանդես էր գալիս ցուցադրական ծրագրերով:

ՅՈՒԹԵՐՈՐԳ ԵՐԵՒԱՆ

Վալենտինի օրը երգիչ եւ դերասան Մարկ Էլթոնին ու նրա կինը՝ Նադյա Ֆերեյրան, հայտարարել են, որ սպասում են իրենց առաջնեկին: Մարկի համար սա յոթերորդն է: 54-ամյա երգիչը եւ նրա չորրորդ կինը, ով ընդամենը 23 տարեկան է, կիսվել են ուրախալի լուրով՝ հրապարակելով Նադյայի որովայնի լուսանկարը: «Վալենտինի օրվա լավագույն նվերը, - գրել է նա՝ իսպաներեն ավելացնելով: - Շնորհակալություն Աստծուն այս մեծ օրհնության համար»: Հղիության մասին հայտարարությունը հրապարակվել է նրանց ամուսնուխոսքի ընդամենը երկու շաբաթ անց: Հարսանեկան շքեղ արարողությունը տեղի է ունեցել Մայամիում հունվարի 28-ին:

ԿՄԵԿՆԵՆ ՄՅՈՒՆԻԵՆ

Ֆրանսիայի չեմպիոն ՊՍԺ-ի 24-ամյա ֆրանսիացի հարձակվող Կիլիան Մբապեն հույս է հայտնել, որ Չեմպիոնների լիգայի 1/8 եզրափակիչի պատասխան խաղում կկարողանան պարտության մատնել Գերմանիայի չեմպիոն Սյունխեյնի «Բավարիային» եւ դուրս գալ քառորդ եզրափակիչ: Փորձում տեղի ունեցած առաջին խաղում 1:0 հաշվով հաղթել է «Բավարիան»: Մբապեն փոխարինման էր դուրս եկել երկրորդ խաղակետում եւ խփել երկու գոլ, սակայն երկու դեպքում էլ գրանցվել էր խաղից դուրս վիճակ: «Պետք է ավելի արագ խաղանք եւ օգտագործենք մեր պահերը: Սյունխեյն կմեկնենք հաջորդ փուլ դուրս գալու նպատակով եւ վճռականությամբ: Մեր խաղացողները պետք է լինեն գերազանց մարզավիճակում: Բոլորը պետք է ճիշտ սնվեն եւ լավ քնեն: Երբ մենք խաղում ենք հարձակողական ֆուտբոլ, մրցակիցները լուրջ խնդիր են ունենում», - ասել է Մբապեն: «Բավարիա» - ՊՍԺ պատասխան հանդիպումը Սյունխեյնում տեղի կունենա մարտի 8-ին:

ՀԱՆՐՈՒԹՅՈՒՆ

«ՈՒԶՈՒՄ ԵՄ ԿՅԱՆՔՍ ԵՐԿԱՐԱՑՆԵԼ», ԱՐՏԱՇ ԱՄԱՏՐՅԱՆ

«Ուզում եմ դարգաբանել, որ առողջ եմ, Փառք Աստծո, եւ իմ ցանկությամբ եմ նիհարել եւ շարունակելու եմ նիհարել, որ կարողանամ սիրուն ու թեթեւ աշխատանքներ իրականացնել՝ ծավալելով գործունեությունս: Ուզում եմ կյանքս երկարացնել, որ կարողանամ ծառայել եւ ուրախացնել ձեզ», - «Ինսագրամ»-ի ուղիղ եթերում նշել է երգիչ Արտաշ Ասատրյանը՝ անդրադառնալով նկատելի ֆաշի կոռուսին եւ հանրության արձագանքին:



Հիշեցնենք, որ ավելի վաղ ArmLur.am-ը գրել էր, որ արդեն մի քանի օր է, ինչ համացանցում քննարկում են երգիչ Արտաշ Ասատրյանի մասնակցությունը եղբոր՝ Տիգրան Ասատրյանի որդու՝ Արամ Ասատրյանի հարսանիքին:

Հանրության աչքից չէր վրիպել նաեւ Արտաշ Ասատրյանի արտաքին տեսքը, որտեղ ակնհայտ երեւում է, թե ինչպես է երգիչը նիհարել եւ գեղեցիկ կազմվածք ձեռք բերել:

Լ. ԵՐԻՎԱՆՅԱՆ

● Փետրվարի 17-ին Հ. Պարոնյանի անվան երաժշտական կոմերսիայի պետական թատրոնում տեղի կունենա «Կալիֆորնիական սյուիտ» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՌՈՋԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Բուժաստիճանը գումար է դահանգում, բայց ես փող չունեմ: Ի՞նչ անել եմ ո՞ւմ դիմել: Մայիս Մարգարյան (64 տարեկան)



ՊԱՏԱՍԽԱՆ. Պետության կողմից անվճար բուժօգնություն տրամադրվում է առաջնային բուժօգնության դեպքում, եւ երբ այդ բուժօգնությունն ընդգրկված է պետական ծրագրերի մեջ՝ որպէս պետության կողմից փոխհատուցվող բժշկական օգնության տեսակ: Անվճար բուժօգնության դեպքում բժշկական օգնության դիմելիս, ինչպէս նաեւ բժշկական օգնություն եւ սպասարկում ստանալիս յուրաքանչյուր անձ իրավունք ունի ընտրել բժշկական հաստատությունը եւ իր բժշկին, ստանալ բժշկական օգնություն եւ սպասարկում հիգիենայի պահանջներին համապատասխանող պայմաններում, պահանջել եւ ստանալ իր առողջական վիճակի, հետազոտման, փստորոշման եւ բուժման ընթացքի մասին տեղեկություններ, պահանջել դրանց գաղտնիության ապահովում, իրազեկ լինել իր հիվանդության մասին եւ համաձայնություն տալ իրեն բուժելու հարցում, արժանանալ հարգալից վերաբերմունքի:

ՀՀ առողջապահության նախարարություն

«ԺՈՂՎՈՒՐԳ». Յուրաքանչյուր ոք, անկախ իր գույքային կամ այլ դրույթից, Հայաստանի Հանրապետությունում ունի բժշկական օգնություն եւ սպասարկում ստանալու իրավունք: Այս իրավունքը ներառում է անվճար կամ արտոնյալ պայմաններով բժշկական օգնություն եւ սպասարկում ստանալը պետության կողմից երաշխավորված առողջապահական պետական նպատակային ծրագրերի շրջանակներում: Այնուամենայնիվ, պետք է իմանալ, որ Հայաստանի Հանրապետությունում, օրենքով սահմանված կարգով, անվճար բուժօգնությունը սահմանվում է հատուկ խմբերի համար, ինչպէս նաեւ հատուկ դեպքերում:

ԻՐԱՎՈՒՆՔ

ՀԱՐՑ. Ուզում եմ իմանալ, թե որքան եմ դարձրել բանկին, բայց ինձ ուղղորդում են իրավաբանների մոտ: Ի՞նչ անել եմ ո՞ւմ դիմել: Սեդա Հայրապետյան (21 տարեկան)



ՊԱՏԱՍԽԱՆ. Նման դեպքում կարող եք հետեւել բանկի տվյալ աշխատակցի ուղղորդմանը եւ այցելել այն բանկ, որտեղ առկա են Ձեր պարտավորությունների վերաբերյալ ամբողջական տվյալներ: Եթե բանկից առհասարակ հրաժարվում են Ձեր պարտավորությունների վերաբերյալ տեղեկություններ տրամադրել, ապա կարող եք ձեռնարկել հետեւյալ քայլերից որեւէ մեկը՝

-դիմել Ֆինանսական համակարգի հաշտարարի գրասենյակ՝ ներկայացնելով Ձեր խնդիրը բանկի հետ, եւ խնդրել նրանց միջամտությունը: Ֆինանսական համակարգի հաշտարարի գրասենյակի ծառայություններն անվճար են:

-Այցելել «ԱՌՔԱ» վարկային բյուրոյի կայքը եւ գրանցվել կայքում: Կայքում գրանցվելուց հետո Ռուք հնարավորություն կստանաք ցանկացած պահի մուտք գործել կայքում բացված Ձեր անձնական էջ եւ ստանալ ամբողջական տեղեկատվություն Ձեր վարկային պատմության վերաբերյալ:

ՀՀ կենտրոնական բանկ

«ԺՈՂՎՈՒՐԳ». Քաղաքացու՝ բանկի նկատմամբ ունեցած ֆինանսական պարտավորությունների վերաբերյալ տեղեկատվությունը կարող է հասանելի լինել ոչ բոլոր մասնաճյուղերում, կամ ոչ բոլոր մասնաճյուղերի աշխատակիցները կարող են հասանելիություն ունենալ տվյալների այդ բազային, այդ պատճառով բանկի տվյալ մասնաճյուղի աշխատակիցը կարող է Ձեզ ուղղորդել այն մասնաճյուղ կամ այն աշխատակցի մոտ, որը տիրապետում է այդ տեղեկություններին կամ հասանելիություն ունի տվյալների համակարգին:

ԼՈՒՐ ԿԱԴՐ

Լուսանկարը՝ համացանցից



Աշխարհն ամեն տարի՝ փետրվարի 15-ին, նշում է որպէս մանկական քաղցկեղի դեմ պայքարի միջազգային օր, բայց փետրվարի 15-ն արդէն հուսահատության օր չէ, այլ հույսի: Օրվա խորհուրդն է աջակցել քաղցկեղ ունեցող երեխաներին եւ դեռահասներին, նրանց ընտանիքներին, բարձրացնել մանկական քաղցկեղի մասին իրազեկությունը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for no payment.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 15.02.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: